

VVALTHERVS CRONBERGVVS ORDINIS THEVTONICO-
rum Magister.



Vualtherus ex nobili familia Cronbergorum in Germania natus est. Is cum adoleuisset, se ordini Theutonicorum coniunxit, & multa preclara facinora edidit. Itaq; cum Albertus Marchio 1527 fidem suam regi Poloniae Sigismundo dedisset, & dux Prussiae factus esset, ab eius ordinis proceribus Vualtherus ob uirtutes successit, & Magister ordinis constitutus fuit. Postea uero in Augustanis comitijs 1530 ipsum Albertum coram Caesare accusauit, atq; effecit, ut Carolus 14 Nouemb. to tam illam Alberti cum Polono transactionem resciderit. Cum etiam Albertus in proposito maneret, Vualthero sollicitate 1532 à Camerae iudicio pro-

scriptus fuit, & Caesaris contra Albertum sententia Ratisbonae confirmata. Fuit huius Vualtheri passim in comitijs Imperij magna autoritas, praesertim Noribergae 1543. Nam sua integritate res commissas fideliter administrabat, atq; Carolo Imperatori gratissimus erat. Tandem 1544 obiit, & Vuolphgangus ordinis Magister successit. Ioan. Sleid,